

59. cultaveris, peribis. Quod, fiducia tui fretus, te haud pugnatum esse statuis, frustra est hoc propositum tuum: natura te impellet.
60. Proprio munere ex indole tua orto, Kuntidis nate, constrictus, quod non vis facere errore ductus, id
61. facies vel invitus. Dominus cunctorum animantium in cordis regione, o Arjuna, consistit, cunctos animantes, rota
62. hac volubili vectos, deludens Magia sua. Hunc igitur *tanquam* perfugium adi omni reverentia, o Bhârata: huius favore summam tranquillitatem, stationem adepturus es sempiternam.
63. Sic tibi scientia tradita est a me, arcano magis etiam arcana. Hac integra perpensa, quomodo tibi placet, ita facito.
64. Omnium maxime arcanum amplius audi meum praestantissimum sermonem; gratus es mihi, certus consilii: ideo effabor tibi *quod* salutare sit. Mihi mente deditus esto, mei cultor; mihi lita, me salvere iube; me utique adibis.
65. Verum tibi polliceor. Carus tu mihi es. Cunctis religionibus dimissis me *tanquam* unicum perfugium sectare: ego
66. te ab omnibus peccatis liberabo. Noli moerere! Hoc a te nec profano, neque irreverenti unquam, neque contumaci
67. est evulgandum, neque ei qui mihi obtrectat. Qui hoc praestantissimum arcanum mei cultoribus tradet, summo honore mihi tributo, is me adibit sine dubio, neque isto
68. mortalium quisquam gratiora mihi faciet, neque erit mihi isto alius quisquam carior in terris. Quique perleget hocce
69. sanctum colloquium inter nos ambos, ab eo scientiae sacrificio adorari ego potero: sic stat sententia. Quique fidei
70. plenus homo sine obtrectatione id modo auscultaverit, is quoque, liberatus, faustos mundos eorum nanciscetur, qui piis
71. operibus functi sunt. Num istud auscultatum a te, Prithae fili, in unum intenta cogitatione? num ignorantiae confusio discussa ex te, contemtor opum?